

Ävver bitte, bitte met Jeföhl

Text und Musik: Bläck Fööss

Am 11. 11. jeiht et widder loss:
Schirve, Splitter, Schläjereie,
stinkbesoffene Pänz,
uns Altstadt es en Müllkipf
do kritt mer doch de Krämp.
Vor der Bühne schwatze Sheriffs, Kamas un VIP's,
die Lück, für die mer singe wolle, krije janix met.

**Nä, dat wolle mer nit
dat bruche mer nit, dat simmer och nit
Nä, Nä, Nä do maache mir nit mih met,
dat hät met Fastelovend nix zo dun
Mir singe jän,
mir laache jän,
mir esse, drinke, danze jän;
mir bütze jän un mir fummele jän
ävver bitte, bitte met Jeföhl!**

Musik vum Computer ohne Hätz un Siel,
mer darf och nit mih setze, mer steiht nur op de Stöhl.
Preise wie em Edelpuff, do kütt Frau Schmitz nit met,
un wenn et dann nix zo laache jitt,
jo blöder jeiht et nit.
Unsere schöne Fastelovend kann un darf nit ungerjonn
Loss m`r en häje, loss m`r en pfläje
Jeder von uns kann jet dun.

**Jo, do maache mer met
et weed höchste Zick
dat bruche mer hück
Jo, jo, jo do simmer jähn met dobei,
dann mäht d`r Fastelovend widder Freud.
Mir singe jän,
mir laache jän,
mir esse, drinke, danze jän;
mir bütze jän un mir fummele jän
ävver bitte, bitte met Jeföhl !
met Jeföhl un met Hätz un Siel**

© Bläck Fööss

Zitat Bläck Fööss: "Die Nutzung dieser Texte für private Zwecke ist ausdrücklich erlaubt und erwünscht. Jedwede kommerzielle Nutzung gleich welcher Form bedarf jedoch grundsätzlich unserer Zustimmung."